

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **74 (2012)**

Heft 2: **Kopf, Herz und Hand**

PDF erstellt am: **01.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Miez maraton da cuorsa liunga ell'Engiadina

Quatter giuvens dil scalem superieur dalla scola da Trun ein separticipai la dumengia ils 11 da mars al miez maraton da cuorsa liunga ell'Engiadina. Cun fetg differentas enconuschiantschas dil sport da cuorsa liunga ein els semess alla partenza. Per tuts quatter ei quei stau in eveniment tut special.

DA CATRINA LIVERS



Aron Demont, Serafin Lehmann, Beat Cadruvi, Silvan Cathomen cun lur scolast Donat Nay stauchels e cuntents suenter la cuorsa.

Ei hagi schon duvrau empau lavour da perschuasiun da lur scolasts Donat Nay e Toja Maissen per sedecider da far il miez maraton, han ils giuvens manegiau sil viadi anavos a casa. Mo els stettien tuts quatter buca mal d'haver priu quella decisiun. Els hagien fatg ina massa experientschas ils davos dus dis, hagien giu bia legher e viu ina massa.

L'excursiun ha entschiet sonda cul viadi cul tren tochen Pontresina. Leu han els saviu retrer in letg els locals dil schurmetg civil era numnai hotel «Bunker». Els han giu da parter la stanza da durmir cun ina classa da giuvnas da Sursaissa quei che ha procurau che la sien ei vegnida in tec alla cuorta. La dumengia endamaun ha ei lu giu num levar baul e serender alla

partenza a Maloja. L'enorma massa da curriders ha fatg gronda impressiun ed era la nervusadad ha entschiet a crescher. Da mesa las diesch ei lu stau la partenza per Beat, che trenescha dapi rodund otg onns cul Team Panda Trun, Aron, che trenescha dapi rodund 2 onns, e Silvan e Serafin ch'ein stai mo duas, respective tschun gadas sin skis da cuorsa liunga avon lur cuorsa. Cunzun Serafin ha sentiu quei ed ha beinspert giu il greufli ellas combas. Suenter il viadi sur ils lags e las planiras dall'Engiadina aulta ei in suenter l'auter lu arrivaus a Pontresina. Ferton che certins han quitau ils 21 km extrem liung, han auters giu il sentiment ch'ei seigi stau plitost cuort. Aron denton ha gnanc remarcau ch'el ei ius tras l'arrivada ed ei semplamein currius vinavon. Tier la

tabla da 23 km ha el lu sentiu ch'enzatgei constetti buc. El ha lu priu giu ils skis ed ei turnaus a Pontresina a pei. Sco renconuschiantscha per lur prestaziun ha mintgin dils curriders dil scalem superieur da Trun survegniu in t-shirt all'arrivada. Sin la damonda sch'eis vegnien in'auter onn era puspei, han treis rispondiu cun 'gie', il quart denton cun in fervent 'na'.

Vesses forsa era gust da participar ina gada cun in pèr scolars ni forsa in'entira classa al miez maraton da cuorsa liunga ell'Engiadina?

Scolars secundars ston buca pagar il daner da partenza, san durmir fetg favoreivel els locals dil schurmetg civil e magliar favoreivel ella casa d'albiert da giuentetgna a Pontresina. Plinavon survegnan els regalau 2 uras da trenament cun in scolast da cuorsa liunga sco era in schenghetg en fuorma d'in t-shirt all'arrivada. Ei vala en scadin cass la peina. Sin seveser pia al maraton 2013!

